

盛明雜劇初集

盛明雜劇

山陰子若孟稱舜原本

友人

野君徐

翽批點

錦江珂月卓人月重編

林宗沈

泰叅評

花舫緣

申女郎一笑相思病

正名

唐伯虎千金花舫緣

楔子

孤領張千上。脩然杖履出塵氛。半世生涯酒一尊。

游衍水邊驚野馬。嘯歌林下應山君。老夫姓沈本

向見子
若製唐
伯虎花
前一笑
雜劇易
奴爲備
香易婢
爲養女
十分迴
搜反失
英雄本
色珂月

戲爲改
正覺後
來者居
上

不舟卷

貫金陵人也，官居八座之職，目下告病在家，身邊止有二子。老夫則爲性耽山水，每遇春光爛熳，定往姑蘇，僑寓幾時，這番却來了半月有餘。今日待欲放船歸去，就同俺夫人們再向金閶門外，盪漾一回。咱下正旦上。妾身申氏，小字慵來，吳與人也。生于閩閩，長有丰姿，我父親因百計蕭條，二喪擔閣，鬻妾于金陵沈八座家爲婢，且喜夫人賢淑，又無小姐禁持，則爲俺女工嫻慣，書史淹通，因此名列青衣，視同愛女，常是款住深閨刺繡，有時命陪。

謝氏芳
姿石家
翔風差
堪伯仲

宴坐清談，這兩日只爲老夫人在此遊玩金闈，少不得俺追隨玉趾。今日聞得要放船歸去哩，只是想起俺椿庭久濶，桃信偏迂，似這般呵幾時得箇出頭日子，結我終身，煞是悶人也。

仙呂賞花時

儘着他春山能笑，水能妍，有一日春色。

闌珊直幾錢，恰花蕊正堪憐。還則怕東風凌賤，吹不到繡裯前。

第一齣

正末上

小生姓唐名寅，字子畏，一字伯虎，吳趨里。

人也。年甫弱冠，曾中應天解元，名高被謗，坐廢在
家。有兩箇結義兄弟，一箇喚做文徵明，號衡山，官
至翰林待詔，一箇喚做祝允明，號枝山，官至京兆
治中。與小生賦詩飲酒，誼同骨肉。兩日前有柬約
小生到閩門外遊宴，須索走一遭者。

雙調新水令

一從辭別蕊珠宮，誤來游塵勞，堪痛詩
情真似海，俠氣可成虹。直恁漂蓬待槌碎，酸齏甕。

驢馬聽

廿載磨礮薄命劉蕢心自懂，五窮搬弄無緣

李廣數難封，抱奇文獨自哭，秋風枕殘書，幾遍撻春

夢春正永。今日箇愁懷。央及東君送。虛下。

冲末扮文徵明上。自家文徵明。外扮祝允明上。自

家祝允明。文俺兩人自負才華。不可一世。止有吳

趨唐子畏。年少多才。翰墨流傳。夷貊詞章。妙絕古

今。俺兩人結爲兄弟。月夕花朝。唱酬不徹。昨曾約

他到此同遊。怎還未到。祝遠望堤上。敢是他來也。

末云。却早二兄在也。下船相見科。祝子畏已至。我

們可放船者。文子畏。你看金閶門外。溶溶細浪。淡

淡流雲。是好光景也。

喬牌兒末清溪蘭棹擁陌上香塵重粗絃細管嘈嘈
動怎比得鳴禽聲數種

三人坐飲科末二兄我想起半生遭際真堪歎
也

沉醉東風對佳景花嬌柳寵况良朋酒琖詩筒猛提
起命有權才無用說甚麼筆尖兒花蕊崢嶸睡夢裡
飛來蛟與龍赤鳳凰喉間自湧

文子畏莫太傷懷你雖則數載漂零可也出沒的
三春花鳥嘲笑的五湖風月比那坐政事堂的受

用得。多也。末二兄說得是。

攬筭筓 吾何痛且盡。此杯中拚做箇地上頑仙人間。
衰鳳閒看舊樹。逞新容可還似舊日吳儂妖寵。試遙
望靈巖荒草叢。一弔娃宮。

末今日之遊。有客有酒。只少了一件。文少那一件。
落梅花 末空對着花枝。茜只少那人面紅。癡呆呆三
人傳送霞觴倩誰紅袖捧。做新詩没人歌誦。

祝好一派香也。末正是暗香無覓處。日落畫樓西。
鴈兒 落天邊絳雪濃水上。青烟重斜日催將酒興殘。

暗香逗得癡魂動。

文今日勝遊，安可不紀，子畏可畫成一幅，題詩其

上，祝這却好。末還讓二兄，文祝相讓末科。

得勝令

待畫箇水色與天同，待畫箇青山對酒鍾。待

畫箇張緒臨春月，待畫箇西施葬晚風。烟籠好似俺
春愁重，花濃恰如咱醉臉紅。

末作畫并題介。旦引數女上。夫人們都在前艙飲

酒，咱們且往後樓眺望一遭呀。那廂有船來也。船

中許多人，簇着箇少年，做甚麼。末題畫完。文祝看

云。好。畫。也。念。詩。介。高。臺。築。近。姑。蘇。城。千。年。不。改。姑。
蘇。名。畫。棟。雕。楹。結。羅。綺。面。面。青。山。如。翠。屏。吳。姬。窈。
窕。稱。絕。色。誰。知。一。笑。傾。人。國。可。憐。遺。址。俱。荒。涼。空。
林。落。日。寒。烟。織。妙。哉。詩。也。請。飲。一。大。白。持。杯。勸。末。
飲。科。末。擡。頭。見。旦。科。旦。作。畧。避。科。末。持。杯。背。云。呀。
那。一。隻。女。娘。船。中。有。箇。青。衣。煞。是。動。人。也。

法美酒 猛見箇好姿容，牽女伴笑春風。似向樽前眉
語通。暢好是風流麗種，怎能勾便相從。

旦笑顧末下末自語異哉異哉他那里一笑春生

好生顧盼着我。

川撥棹 却教我怎形容。白瓊花天上種。難道是綠綺
芳容閃落臨邛。紅線仙踪暫寄軍戎。剗地裏香裾風
送空留下一癡翁。

木 那女子却早去也。知他家住何方。須是別了二
位哥哥。疾忙趕上者。**對文祝云** 小第醉也告退。**支**
呀。子畏。你今日爲何掃興。你往常痛飲狂歌。幾曾
道箇醉字來。**末** 小第委是病哩。**祝** 你幾曾病來。分
付撐船的。不要泊岸。且自滿滿的斟酒過來者。作

妙
扯淡得

灌未末不飲科。小弟實不勝酒力。文恁般呵。便叫
小船送你先去者。末下船科。我醉欲眠。君且去。明
朝有意抱琴來。下。祝對文云。子畏今日怪哩。一徑
上了小船。慌張失志。怎的待我再要他轉來。叫云
子畏子畏。却纔忘了一緊要事。須轉來說了去。末
復上云。有甚事快些說。祝昨日姑蘇臺上。被人拆
去一根椽。姑蘇城裡一箇小廝不見了。一條視末
枝山好厭人也。別介文扯云。還有一件。適纔不曾
請教。俺口占得一調。與你聽者。當筵撒假。酒珠兒

小詞作
此險語

幾箇沾牙。隨着衆賓們弄月澆花。他則獨自箇裝
聲做啞。好共反。不住的筋如雨下。待歸家。無計可
留他。便做道餓鬼吞針。饑神放假。有恁爭差。未好
不近人情。放我去罷。祝對文云。我們也絮得他勾
了。放他去罷。文放未云。你自回去。我們再向桃花
塢飲酒去也。同下。未吊場真箇可厭人也。作望介
那大船還未去遠哩。船家快與我追上者。我想那
女子直恁多情也呵。

收江南

若不是今生應結並頭叢。爲甚麼隔窓情意

不勝濃正。放着嬌嬌滴滴兩青瞳。却又早臉紅。拚做箇情癡。阮藉逐香蹤。

但則一件哩。似小生這般打扮。怎生進得他家也罷。且緊緊隨着他去。看他在何等人家。另作區處。
鴛鴦煞 誰家牆裏春光動。咱們胸次春情縱。有心待美酒羊羔。倚翠偎紅。早辦取掉趂挨光。殷勤隆重。俺待學薄倖相。如奏一曲單飛鳳。博他箇卓女相從。呀。怎辜負宋玉牆頭至誠種。

第二齣

末小帽青衣上自那日一徑裡尾着船見到此金陵地方打聽這女郎是沈家使女上岸之時飽看了一會眼睜睜送他入門去了小生無計可施只得假作傭奴向他府中賣身纔得進他門內倏忽已經一月再不見那人一些動靜老天老天小生費盡心機使這樣一箇偷香手段你也該幫襯我些兒哩

中呂粉蝶兒意惹情牽覓紅塵天涯踏遍當日箇笑語喧闐轉眼兒入朱門扃繡戶玉人難見到如今墻

似青天怎透得針兒一線

醉春風 他似銅雀鎖嬋娟。我似天台悞劉阮。空庭寂寂。一春閒。心兒裡轉轉。幾遍憂煎。幾回胡覷。幾番消遣。

想那日我初進這門呵。

迎仙客 排朱戶。竚砌前。庭內無人簾半捲。步兒低。身兒閃。還則怕破綻。多般故態。渾難掩。

則見那主人走出來也。他問堂下立者何人。我便長跪而言。小子姓唐名畏。家貧無賴。情愿賣身為

活望弗見擯。他說看你一表非俗。何一貧至此乎。
且說你來歷者。我便道。

關鴝鵒

居住在風月騷壇。更兼那烟花浪苑。也曾共

鐵硯周旋。也曾共蠹魚游衍。為漂零落魄風塵沒面

顏。望誰人拭眼相看。東風把眸子吹酸。柳絮把龐兒

彈遍。

他便說似這般呵。今日便留你在花園。伏侍公子

們讀書。可好麼。俺口兒裡不說。心下思量。這計敢

中了呵。

強情賦
骨似鮑
黑當年

賞些禮物、央人做去、末恁般呵、不是唐畏誇口、歌
賦詩詞、畧知一二、公子胡說、你若會呵、怎生來我
家爲奴、末公子不信、請嘗試之、公子就依你說、做
來我看、末寫畢、這是大公子的、這是二公子的、大
公子念科、可怪春光、今年偏早、閨中冷落如何好
因他一去不回來、愁時只是吟芳艸、奈爾奴姑、隨
行隨到、其間况味、余知道、尋花愁蝶、好光陰、何須
步步回頭笑、右春閨一調、二公子念科、寒氣蕭條、
剛風凜冽、薄情何事、轉離別、經時不去看、梅花窓、

前一樹通開、徹急喚雙鬟、爲儂扳折、南枝欲寄憑誰達、對花無語、不勝情天邊、鴈叫添愁絕、右冬閨一調、念畢云、寫到也寫得快、怕還做得欠哩、且待俺送將去、看他們怎麼說、還有一件、切休令老爺知道、**下末**恰好又遇着兩箇公子、機會敢是好也、俺待就兩公子身上安排、下一條好計來、則可恨恰才遇的女郎一句話、也不曾講得被他們衝散了、看他臨去回頭、還像有幾分認得我哩、

耍孩兒半晴半雨宜春院、停繡帖、凌波慢展、見芳菲

欲謝不禁憐。怪東風空與韶顏。覷了他一身俏影堪
評度。聽了他幾句情詞足掛牽。真堪羨。疑花似霧佩
雨披煙。

兩公子復上方纔那兩首闋詞、拿將出去、外廂人
沒一箇不讚誦、這都是唐畏的功勞也、唐畏、俺如
今一刻也少不得你哩、俺與你背地裡結爲兄弟、
與同胞一般待你、可好麼、末、小人怎麼當得起、公
子你不要多遜、俺三人就此拜者、同拜介、公子且
住、方纔我家爹爹道老頭兒、疑我是倩人做的、明

日要將我鎖禁一室、出題面試、這却怎麼處、末這
不打緊、他決不疑着我來、依舊是我做了、悄悄的
遞與公子、膽者、只是我身上、有一件事、欲說、又止、
介公子、你有甚事、快對我們說來、不消唧噥、末不
瞞公子說、小人一葉飄零、尚未娶妻、意欲告過老
爺、歸家去尋一箇配耦、再來伏侍公子、爲此沉吟
耳、公子這怎使得、末小人受公子厚恩、委是捨不
得、只是計出無奈、公子你要娶妻、却也何難、俺家
使用丫鬟、約有數十餘、隨着你揀一箇、待我與爹

娘說、配與你咱、末背云、這却好了、還不知撞得着、

那人否、回云、董依尊命、公子向內云、分付家裡、

鬟、一箇箇打扮齊整、到花園裡來、內應云、曉得、扮

兩女笑上、東君昨夜報花知、能白能紅最可宜、笑

臉相看似撩客、春情惱亂詎能持、公子你們暫退、

女下問末如何、

丑煞末 一箇呵穠桃樣、一箇呵艷李般、兩邊各逞風

不戒揚
州水嬉

流臉紅的呵、怎比得梅花點額、欺鉛粉白的呵、怎比
得獺髓留痕、似渥丹真堪厭、公子呵、您自去張紅、按

板、樊、素、司、弦。

又兩女上遲遲日影映東墻、歷落花開滿院香、自是閒情收不住、花間羞對兩鴛鴦、咱們見了公子者、公子發放如前問末、這可好麼、末

四煞

一箇呵新蒲抽寸葉、一箇呵游絲颺遠天、妖嬈

各自誇身段、短的呵堪為海、鶯喉中、婦長的呵好做、防風帳下、娟真堪厭、公子呵、您自去、矮簷相貯、高柳遙攀。

又兩女撚花上、留仙裙幅水生秋、淺語輕嚬不奈

愁閒去、中庭數花朵、逢人佯整玉搔頭、如前科公
子你看真箇愈出愈奇也、末

三煞 一箇呵袖兒窄窄裁。一箇呵衫兒綽綽穿。肉多
骨勝難充選。肥的呵玉床怕使楊妃倚。瘦的呵錦幙
難將阿麗牽。真堪厭。公子呵。您自去媚猪相對。飛燕
留仙。

兩公子背云。這却怎生好。欲待另尋箇女兒與他。
恐怕聘定了。又不中他意。哦。有了。我家還有箇傭
來。我也常道這女子生得好。又會吟詩作賦。這一

定中他意的，只是我母親愛得他緊，另藏在一箇樓上，喚他不出，不如悄悄地引那唐畏到樓前，偷覷偷覷，他若中意了，自有區處。

次云：只怕我爹娘不肯。

大云：俺爹是極怕俺娘的，俺娘畢竟是婦人家性格，俺們將些甜話兒，打哄他，怕他不肯。

對末：倒想得箇人兒，只怕你沒福消受，俺家還有箇妮子，名喚慵來，且是儀容窈窕，筆札精工，只是喚他不出來的，俺先領你看他，一會果若像意呵，就與了你。

末：可不妨麼？

公子：不妨不妨，他專在那廂刺繡。

可隨着我來。末

二煞 纔知香徑幽。別有春光面。風開柳色危樓見。公子指內介兀那倚樓的不是也。末背云果然是那人哩。可憐他鄭玄婢子泥中久。關盼才人樓上淹。真堪羨。但願得鏡兒明贈。煞強似紅拂私聯。

公子果肯替俺做主。休道今生。便是來生。當啣環以報。公子這箇不難。好友在我身上。你且回書房去。慢慢等者。下末公子去也。俺則望天許下千千拜者。

煞尾從來好事難、這姻緣真箇罕、他分明許、遂俺三生、願、拚、幾、夜、孤、衾、閒、坐、遣、

第三齣

且上前日到後花園去、見那唐畏進前聲喏、與金閨所見一般無二、又聽的公子詩文、俱是唐畏代筆、敢不這人就是那生、妾若得他爲偶、也不枉了、只不知他爲甚麼做這樣下賤營生、心下好生疑惑、如今季秋天氣、黃葉紛飛、雁行零亂、不由人不傷感也、寶帳玉爐殘、麝冷、羅衣金縷暗塵生、

晚唐詩句

山呂八聲甘州。西風靜悄。翠帳寒生。春去難追。淒涼無底。頻頻逗起新悲。春絲在帖。如愁縷。暮雨沾窓似淚。揮得病是相思。憎殺鴛幃。

泚江龍。秋光無際。看秋花寂寞。躡籬花枝消瘦。人比花枝。見春歸送不去。春前病恰秋來早。則是害秋思。倦來時斜捱玉枕。擁衣眠。起來時偷勻粉淚。和粧洗。朝朝夜夜。冷冷淒淒。

汕蒹蘆。鎮日價涼簟沉沉。睡思迷。閉紗窓。鼠晝窺。恰纔箇夢中相見。了好多時。一回羞臉藏無計。一回笑。

花舫錄

十六

靨偏多媚。正盤桓。忘別去。猛跳醒。又分離。問誰行。生。
喚奴。奴起。吓。原來是女。墻下。一莎雞。

天下樂 囑付您墻下。哥哥莫亂啼。啼時甚意見。

早難道恁微蟲一般有所思。我思量已是癡。您愁煩。
爲甚的。恨只恨兩愁人。偏做一處棲。

咳。這半晌好倦也。作倚科一女上好笑俺公子。生。

死要將慵來姐。嫁與唐畏。俺夫人始初也不肯。被。
公子每日價央及不過。又贅上唐畏許多好處。俺。
夫人不好推却。只說道也要問這丫頭的意思。如。

何、俺如今領了夫人公子的命、對姐姐說去、來時
公子又背地叮囑我、許了偌多賞賜、與我攛掇圓
成、俺曉得姐姐早看上了、那人只怕直對他、說他
倒有許多假哩、且將幾句話兒逗他、呀、門兒靜掩
在此、看他做些甚麼、旦長吁科

那叱令 有一日、見春舟詠詩、羨飄飄繡衣、有一日、遇
花園俊姿、掛纍纍賤綈、俺瞳神不移、他行藏太奇、虛
浮浮沒住居、杳茫茫瞞名氏、葫蘆提、怎放愁眉。

鵲踏枝 雖則是在堦墀、還則似隔天涯、眼色空調心

事難期。他丰致似垂楊拂水。俺情懷似柳絮風吹。

女入見科

姐姐。你兀自想那人哩。且問你那人有

甚好處。只管想他。旦罷了。俺意兒怎瞞得你。若問

那生呵、

寄生草

他須是風流客。錦繡姿。灌園陳仲驕齊士。當

壚司馬驚天子。傭春梁子居吳地。他待學當時三箇
丈夫賢。我也做得過他們三箇閨中事。

女他人。才雖好。也則一貧如洗。怕沒有強似他的。

旦

笑世

笑世上婚新貴，嫁富兒，據着他一段丰姿滿

腹才思，煞強似偌大家私。再休說揀名門一例相隨，還只怕今生薄福無滋味，枉思量才色雙宜。若能勾薦蘿松栢相緣綴，有心待繙書賭茗，舉案齊眉。

女云：這意見，嚙也知道，只是你又不曉得那人踪跡，平白地害這樣寡相思，莫非看差了人也。

公：似這般相思，真癡風也難吹，劍也難施，人也難窺。

我也難知，分明在門庭居止，反教咱夢魂兒別處飛。向日箇水上逢伊，似交甫陳思，今日箇牆內憐伊，似

雙尖頭
能為雲
為雨縹
紛生果

韓壽元微。一弄兒鬼病相貽。到頭來絲牽繩繫。知何地。做盡了柳泣花啼。多應是宿世情緣滯。少不得青春多恨。料還咱白首相携。

女問話這一晌。倒忘了一件正事。奴家此來。特爲

報喜。且喜甚的。女就是那人。公子要與姐姐爲媒

哩。且啐。你見我恁地鬧。我要來。女你不信呵。就賭

箇咒來。若無此話。教我卽世裡不見丈夫。且恁的

呵。說與我聽咱。女自來公子文字。都是那人代筆。

外廂人都知道。只瞞了老爺一箇。如今要回去做

親、公子百計留他不住、對夫人行說、把姐姐許了
他、目下就要成親哩、**旦**這却怎麼使得、我肯了呵、
怕老爺見責、**女**休假乖、趁老爺下鄉去了、快做了
親、老爺回來時、只推却夫人便了、我覆公子話去、
你快到繡房中梳洗咱、**推旦下****女**看他好喜也、俺
昨日花園中被那生奚落了一番、今日教他伏俺
口氣見、公子同末上、曾說了麼、**女**世上無白使的
人、却好這般容易、**末**恁般呵、多將金帛酬你、**女**誰
要來、**末**再不呵、告過公子、將你做了陪嫁、**女**誰和

你揷風話，公子也罷，待他成了親，多拜你幾拜便了。吉日良時，快請姐姐來者。女下同數女推旦上。

大公子，我便做了主婚，你便做了擯相。次公子贊禮科末旦拜科旦。

村里送鼓霎時間勾除情債，捻沙般團成姻契。也不

不有實
爾何况
漢卿

用一卮淡酒，一杯清茗，一人媒使，都則是蜂尾穿針，游絲做線，百花爲主，借蝶粉取鶯梭，備香奩成嫁事。愁病鬼看看去矣。

公子，我們索回避，恁兩箇趁早做了親者。全下末。

小生自見姐姐，魂夢爲勞，誰料得有今日。**旦**妾之
配君，實有天緣，君非金閨所見者乎。**末**然也。**旦**君
士人也，何自賤若此。**生**感卿一笑，特地遠來。**旦**
元和令又不是長安街輕薄兒，却緣何來到此，果爲
咱花前一笑，特追隨。這殷勤難得你，不在了，終宵鐵
被自支持，共燈花玉筯垂。

旦且問你，既是書生，可曾應舉麼。**末**不瞞姐姐說，
小生不是唐畏，本貫吳趨里人，名寅字子畏，別字
伯虎者是也。**旦**驚云呀，原來是唐解元，妾自幼讀

君詩詞便曉得是江南第一風流才子今日何幸
得諧姻配再作拜科

後庭花 休道是恁風流俏臉兒則普天下種情人怎
似伊你那東皇有意催花發我呵怎惜這春風第一
枝你名兒長留心裡誰料今生相會奇長則是念您
詞看您詩說風流說才子不是咱俊眼兒怎能勾隔
船中窺破你

柳葉兒 衣衫上蛛絲賀喜喜相逢在此良時每日價
黃花紅葉看成淚從今後花催酒葉裁詩把閒愁賣

便俗人
提筆便

要作往
日相思

一旦地

之句矣

那得如

野蘊藉

與天涯。

末小生潦倒風塵，約已數載，何物女子能于風塵中識名士。且你在此半載，俺主人空做箇戴烏紗的相公，反不如我這着青衣的侍女會識人物，可不羞死了他。

青哥兒 方信道塵埃塵埃識士，對傍人怎生，怎生傳

示看野雀翩翩，混鷺鷥籠子，依稀魚隊焉知。鴻鵠真奇，燕雀空癡，有眼難欺。只笑那世間人冷如灰，昏如

眯。

末 既然與你成就姻緣，我也不能久居此地。數日
間便要回去，我留下別啓一封，謝你主人，還有親
筆書畫數十幅，價值千金，權爲聘你之資。這也寫
在書內，待他歸家，問起我時，你可將書付他。他這
一說，非同小可也。

賺 休歌小艷詞，不用相思字。只這一笑呵，寫不盡
笑中情旨。生受了傷心無限事，博今朝鸞影雙棲。笑
嘻嘻自倚果愚。問何日相將一處歸。過百花廢基，歷
採香荒址。再尋那畫船中一笑影蹤兒。

第四齡

文祝乘舟上。文草變黃山曲。祝花飛清渭流。文途遙日向夕。祝時晚鬢先秋。我祝允明是也。文我文徵明是也。則爲黃花撩眼紅葉可人。約同枝山買棹入金陵。一望長江秋色。你看一路行來。好一派光景也。

雙調新水令。望中烟樹秣陵賒。空故國山川千疊。曉雲濃。山色紫。暮雨急。江潮咽。四顧寥絕。看帆影如秋葉。

想俺兩人呵、

步步嬌 酒。俠。詩。魔。半。世。也。儘。胸。中。滿。貯。閒。風。月。愁。懷。
都棄捨。水國山家隨處的歇。便踏遍九重闕。也。算。做。
夢裡尋花蝶。

俺和你共唐子畏、自金閫別後、經今半載有餘、幾
遍訪他家中、道是那日去了、不曾回來、想他那日
席上光景、比往常大是不同、今又一往漂零、好怪
人也、

落梅風

相見時飄紅雨、又別後吹黃雪、蚤是俺弟兄

余溯大江抵石

頭每復

快旬始

信文人

不可無

子長遊

典

們轉燈般幾會離別，半年來吳門舊事如燕越影迷。
離雁行明滅。

你看長江光景，比金閶大不同哩。金閶雖好，終帶些脂香粉氣，似這揚子江頭，可正是銅將軍鐵綽板，猶不失英雄本色也。

喬牌兒 耳邊廂鳳簫拋下者，眼梢頭鸞袖都收拾波。濤漂洗癡蘭麝，可正是英雄的風氣別。

度東源 平如掌，矯似蛇，煙波萬里胸中瀉。水色呵削芙蓉，鏌鋇水聲呵響輕雷。小車水紋呵感秋雲，衣褶

望金蕉似鳧影，點銀濤近危磯。看燕子飛春社。

祝你看那隻船上來的，好似子畏兄弟也。**末**巾服

乘舟上呀，那船上的，好似枝山衡山兩哥哥也。**祝**

果然是子畏快過船來。**末**過舟相見。**末**舟先下文

兄弟，你好怪也。自那日金闔門外別後，那一日不

問你來，你却爲何打這裡走。**末**我從金陵來。**祝**做

甚勾當。**末**不瞞哥哥說，當日同遊金闔，見一女郎，

笑而顧我，故來此耳。**祝**怪道那日不肯飲酒哩，且

問你到得他家麼。**末**他原是沈八座家侍女，被我

假做一箇奚奴賺了他。文畢竟怎麼得成就來。末
一言難盡小第用了許多心力方纔十日之前幸
得他公子撮合成親。文你好駭也。

風入松

當日箇酒闌紅日正西斜。却原來魂逐七香
車。他隔船雙眼明似雪。你寸腸兒比烟柳千結。這段
情緣笑絕。俏唐郎手段嗶嚙。

子畏我猛記起一事來。前歲那婁江女子作書招
你中秋爲期。你却爲俗子所窺。冒往被殺。今日道
頭事煞不比往事也。

引水令 可憐他一代嬌娥。半生心事數行紅葉。姻事沒些些。似這般一笑相期。半載僑居。數日驕奢。比將來緣分誰賒。

祝 既如此。却怎生得出來。**末** 被我留下別書一封。字畫十餘幅。約值千金。聊代買婢之資。我自來了也。**祝** 你出來幾日哩。**末** 出來已數日。只因半年愁悶。不曾了得遊債。所以今日纔理歸舟耳。**文**

折桂令 是三生風流宿業。兩下勾牽。一樣磨滅。想你們短嘆長嗟。捱寒度熱。經過了三秋三月。盼不到雙

傻雙貼。蛩語悲切。雁字吹斜。這段愁懷。真箇難說。
我有箇古人比方與你聽者。

水仙子 有一箇灌園的私縮同心結。有一箇給事平陽將衛媪惹爲奴的慣用這風流訣。還有箇仙人比你哩。鎚鑿犬飛峻堞。崑崙奴是箇豪傑。你可也不爲千牛去。何須劍術遮。輕脚出花朵來也。

張千上 俺主人只爲見了唐解元別書。心下好生不安。如今打疊粧奩。自送慵來姐。來吳中請罪。我們冷眼見覷見那隻小船中一人。恰好是唐解元。

模樣不免喚住問咱。叫介兀那船上沒有唐解元相公麼。祝出問介有便怎麼。張千如前說介祝轉介子畏早則喜也。孤領正旦上恰好在江中相遇。便可邀解元過大船相聚者。末文祝同過船相見。科文祝舟先下。孤原來文祝兩位大人同在此。唐先生則被你瞞殺下官也。文笑背介這老兒好一場沒趣也。祝指旦這妮子真箇是驚人艷也。

雁兒落

文指末您權時龍作蛇。指孤您錯認蜂爲蝶。

俺這子畏兄弟配上你家女郎呵。休猜做非烟少女。

情。只疑是弱柳王孫借。

孤這話休題也。老夫夙慕唐先生才名蓋世，僥倖相隨了半年，可痛飲盡醉，一來贖當日之罪，一來賀今日之喜。文這却好也。同生飲科。

得勝令

虛飄飄舊事難留曉，笑吟吟新喜初生頰。醉醺醺滿把金甌瀉，艷騰騰遙看香篆斜。傷嗟幾年悶掩花間榭，懽懽今夜同吟枝上月。

祝對末：想你當初從金閫舟上得箇采頭兒，今日又在大江舟上完聚。直恁的與舟上有緣哩。文子

畏你常自稱普救寺掌婚主者今日我們呵可不
是花舫氤氳使麼衆笑科文

沽美酒飲倦也覓狼藉歌發也行雲咽舞袖翩翩俏
影奢暢團圓此夜銀燭盡正天斜

孤先別介分付管事的。好生護送解元歸吳中去。
俺自另買箇船兒回去咱。**下末**就此放船歸吳趨
者文江上秋光佳人春色子畏好樂也我們奉你
一杯。

太平令

俏佳人神如冰雪俊才子筆走龍蛇菱花前

雙。睂。巧。設。松。枝。下。同。心。永。結。非。耶。是。耶。雲。耶。雨。耶。女。
媧。皇。補。就。相。思。天。缺。

收江南

望江中紅浪涵香月。看杯中紅酒留香頰。想

衾中紅蕙棲香蝶。拚一世癡邪。怕甚麼無端風雨將
春截。

隨尾

情花意蕙難銷謝。是前生種得些些。則看他一

時覷着箇有心的。傲殺那半世相隨薄情者。

小春
娘情

死春
波影

盛明雜劇

野君徐

翽編

君則沈一騶

武林

珂月卓人月評

孟發朱

煒

閱

春波影

楊夫人好護廣陵花

馮家郎村殺風流品

正目

老尼姑慧識少年人

小青孀情死春波影

楔子

卜兒扮老尼上
貧道乃芙蓉城仙尼是也
看這塵

凡世界暗洞洞地
都在黑漆籠中
也有那有才無

一二語
冷却才
人多少
酸頭但
恐天上
無不識
字神仙
又未必
才人心
服

命的、也有那有命無才的、怎得個明眼人一些些
覷破、前日貧道偶從揚州經過、見個妮子年可十
歲、喚做小青、貧道授他一卷心經、再過了、覆之
不失一字、貧道曾對他家說、是兒早慧、福薄、當乞
作弟子、便不呵、無令識字、可三十年活耳、呵呵呵、
他們還疑是方外妖言、那裏知道咱、

賞花時

只看他滿眼聰明、照着空暢、好是瘦軟花枝、

怯曉風、那裏討久住的好儀容、還笑俺妖言惑眾也、
不想幾年紅、

么大古是好醜賢愚一網中把枝上春光儘紙封有時節再相逢信咱是識輕知重我且返芙蓉城去也待做箇雲去鶴無蹤

第一齣

淨扮馮子虛上小生馮子虛是也忝列衣冠喬擔風月因此這些朋友都喚我佻秀才近來取得箇維揚麗人耐耐寒荆不減柳氏小生只得權做季常暫置南樓早去請姑娘楊夫人與表妹小六娘伴他幾日待我再作想頭今夜恰好是上元往朋

友家喫幾盃爰房酒看燈去者、
下

副旦扮楊夫人旦兒扮小六娘同上
楊云老身楊

夫人這女兒小六娘爲侄兒馮二郎娶得個偏房、
暫居別館、他是個新人、也消得個溫存他的、因此
侄兒屢次着人來請我、我爲家中有事、自前日來
了、不曾去看他、今早又打發兩乘車兒、接我看燈、
只索同小六娘、走一遭者、
下

正旦扮小青艷服上
妾身馮小青是也、名曰玄玄、
生長維揚、年可二八、耽于吟咏、曾解琴棋、新來遠

嫁武林馮生。他是個豪公子。性兒有些嘈雜。耽耽更兼大娘子奇妬異常。咳。想着我老母漂零。僅有阿秦可伴。小星慚愧。真如虎豹同游。煞是悶人也。今日聞得馮郎去請楊夫人小六娘來看我。爲何此時還沒有來。楊夫人小六娘上。楊絕樣繁華塞路衢。綺羅香裏闌珊瑚。小遊人到處誇金谷。不道梁家有綠珠。相見介。楊云。小青娘好清幽也。旦妾身渴候夫人小姐到來。共盼街頭燈火。借他喧熱。解我淒涼。小。小青娘。可是看得揚州燈。厭了。也要。

春波影

三

索箇杭州燈兒換換眼睛、我們上樓去咱、
衆上樓
介好閃爍的燈光也、

新水令

旦六街燈火半梅花、浸風流月盤高掛、笙簫

醒醉眼、爆竹逐棲鴉、

內作笑聲介笑語諠譁、敢則是

賞元宵酒盃發、

小小青娘、你看畫屏中、妖嬈兒、倚風獨盼、恍惚有、

思正好、比着姐姐哩、

駐馬聽

旦浪指閒牙、剛道是畫屏女子風流殺、高燒

銀蠟、微微媚臉襯燈花、便做道風前情思亂如麻、甚

人面桃
花看得
正恁閑
冷

的是眼前光景。皆如畫。問誰家春思。發縹緲垂簾下。

旦 我還有一箇比着你哩。小是誰。旦 那那那執拂。

姣髮偷近。郎側將無是你乎。揚 小青娘忒應酬得。

快也。

殿前歡

旦 俺那裏識些些。祇不過月中影子。水中花。

看嬌癡宛轉春無價。豈蕊含葩。曉風催欲放。咱輕恣。

倒輕欵洽。執小手介。俺與你執手纏綿話。兩般情緒。

一樣根芽。

內吹打介。楊 夜色漸幽。笙歌正熱。此際不知多少。

春波影

佳人才子相逢有緣哩。**小**世間有幾個霍小玉也。
旦咳、只曉得墜釵的小玉、那曉得賣釵的小玉也。
呵、

掛玉鈞

一枝疎影正橫斜。紫玉枝頭掛。剗地裏燕來、
燕去、髣髴鴉。逗起姻緣話。可惜他後來呵。巧不逢橋、
難駕。說甚舊日般風情。只落得多少咨嗟。

內打三鼓介。**楊**呀、恰早三更也。我們回去咱。**旦**還

早哩。**小**小青娘、今夜之遊、比着你廣陵時節爭多、

旦咳、若提起二十四橋明月夜、只恨我玉人何處、

教吹簫

雁兒落端的是古揚州風物華到做了舊錢塘燈月
夜變的是後庭歌喜的是今宵話

楊馮郎爲何此時還沒有來小青娘可也候得不
耐煩哩

得勝令 旦 知他箇玩仙燈在那家敢只是向章臺還

忝馬夜深沉風露幽燈掩映清輝刮小母親俺家去

也旦指小唱你可也思家穩倩取救偷卸楊我們去

罷馮郎也只在此時便回旦冤家恰歸來月已斜

不滿意
真記斜
月影瑩
幽輝半
床

小小青娘聞得你長于詞句、今夜恁般佳景、不賦彩毫、也是缺典、**且**此時夜闌人倦、那有這樣心情、妾有舊稿一編、慢慢奉教、

鴛鴦煞 那里討九天咳唾珍珠灑、止不過筆與兒點染詩中畫、閨着這燈下笙歌、月底琵琶、徹曙纏綿、半宵禁架掩上了樓際窻紗、推出那嫦娥罵忽忽地剩酒殘茶、您可肯趁鷄鳴喚咱同下了榻、**下**

第二齣

搽旦扮馮二娘上 自家馮二娘是也、馮家郎素心

頑劣、從俺過門之後、漸漸伏手伏腳、憑他鐵石般的剛強男子、也逃不過蛇蝎般的狠毒婦人、可恨丈夫、買得一朶廣陵花、便要撇開我、這道地貨、數日前還再三瞞我、偷貯南樓、被我百般打聽出來、一霎價取他家中同住、要得這薄倖郎、看來、眼去、好像極和尚、見了燒香的婦人、心裡熱、眼裡花、只是不敢啟口、弄得這妖精、婦影、隻形、單、又像箇臭糞缸、撞着、凌潔的浪子、看得清、走得遠、只是沒的沾身。若還一些兒誤違家法、准備着一套兒跌打

施行任從他要死要生、我只做不聞不見、今日楊夫人邀我西湖耍子、若畱這賤人在家、恰好縱容他做些勾當、不如帶了同去咱、下

楊夫人領張千梅香上云、今日初春天氣、早去請

馮二娘小青娘湖上耍子、此時將到、張千可曾完備酒船否、千云一隻大樓船、兩桌精細下飯、完備

多時、夫人且在問水亭候了馮家轎子、同下船罷、

馮二娘小青上、旦楊夫人已在亭子邊、大娘上前

相見咱、見介、楊甚時篩出門的、恰好同到、馮怕夫

人候久、急急起身、嘴上胭脂都不曾搽得、頂上分
的心、還是歪的、**且**小六娘、怎的不來、**楊**他身弱多
病、近日回家去也、**且**原來如此、**船**上云、夫人沒有
甚麼人了、開船去罷、**楊**二娘請登舟、須仔細咱、**馮**
不妨得、我的脚在肩膀上、鬧慣的、好不穩便、**衆**作
下船介**船家**請問楊夫人、還是撐到湖心亭、**昭慶**
淨慈、西陵橋、岳墳去、**且**西陵却也幽雅、**楊**這等就
往西陵橋去、一邊開船、梅香一邊斟酒、作開船衆
飲酒介

關。鶴。鵝。

楊。

花信風催。春郊興起。畫舫浮空。紋波徹底。山辨南北。湖分外裏。俺和你放青簪。映綠醕。暢好是滿眼風光。二三伴侶。

馮。早。是。西。陵。橋。也。上。岸。去。步。一。回。兒。衆。上。岸。介。楊。

指。介。小。青。娘。這。便。是。蘇。小。的。墓。且。背。嘆。介。咳。一。代。

佳。人。荒。索。至。此。梅。香。姐。借。我。一。杯。酒。兒。梅。遞。酒。且。

澆。墓。介。西。陵。芳。草。騎。麟。內。信。傳。來。喚。踏。春。杯。酒。

自。澆。蘇。小。墓。可。知。妾。是。意。中。人。楊。扯。且。介。小。青。娘。

好。沒。要。緊。也。

紫花兒序 雖則是白花紫玉綠慄紅愁青草黃泥你
怎把踏春情況來做他澆墓因依休癡你可也十分
愁悶索要減九分兒撇向這兩湖煙際一處處笑語
開懷一椿椿觸景畱題。

馮楊夫人我們下船再飲幾杯下船開船介梅呀

那堤上一班少年郎騎着疋胭脂馬跑將來也馮
還有個打彈的撲地裡打落個黃鶯兒有趣日低
頭嘿坐介楊小青娘怎不出聲也

金蕉葉 兀的是心慵意迷只不把言辭浪擲誰似你

牙 必 景
千嬌百媚。怎不露出些春花秋實。

梅香拿巨觴過來送馮二娘滿盃。馮作醉介。楊連

勸三杯介。馮作倦介。我醉了也。倚桌睡介。楊起介。

調笑令 楊他頃刻玉山頽。你酒入愁腸。渾不醉。小青

娘。你前日教我這盤玉欄杆變局。却又忘了船中再

一手談何如。旦夫人我今日的心。那比得前日的心。

來。楊少年家慣學的啾啾。幾能勾賞心樂意。楊扯旦

行介。且索向小樓頭。水光雲影。慢慢的收拾春期。

楊撫旦背介。小青娘。你看好光景可惜。何自苦乃。

曉風殘
月疏
無情

爾豈不聞章臺柳亦倚紅樓盼韓郎
裘馬而子作蒲團空觀着甚麼緊
且妾豈不知只是賈平章劍
鋒不是當耍的揚微笑介平章劍鈍
女平章乃利
害耳

鬼三陪

覷着那刀頭利防範着春纖謎
您空房寥寂

向黃昏一盞黯燈移怎忍照見這些兒情緒
我則怕海棠紅霎時擔閣起碧桃花霎時撩亂飛
那其間方怪道有限青春無情白日

還有一件你才韻色色無雙豈當墮羅剎國中我

雖非女俠、力能脫子火坑、頃言章臺事、子非會心
人耶、天下豈少韓君平、且彼視子去、拔一眼中釘
耳、縱能容子、子遂向、將軍帳下、作羔酒侍兒乎、
且夫人休矣、吾勿夢手折一花、隨風片片着水、命
止此矣、夙業未了、又生他想、彼冥曹姻緣簿、非吾
如意珠、徒供羣口畫描耳、楊子言亦是、

禿厮兒原不比和新詩的非煙侍女、怎做得識英雄
的執拂歌姬、怕守不過年年春信、到茶蘼寬褪着薄
羅衣香肌、

我不能勾時時看你、旦暮所須、第來告我、若是他
好言飲食、汝千萬顧慮咱、**旦泣介**多感夫人、視同
骨肉、**楊**再若要甚消愁解悶的書呵、也須告我、我
看你性愛書史、恐馮郎處、未必有的、應手哩、**旦聽**
此千言萬語、只恨長相思、久別離耳、

聖藥王**楊**恨別離、意慘悽、爲問蘇家楊柳、幾千株、舊
事迷、今事非、好花開落任封姨、些個事、久常宜、

旦怕大娘醒來尋問、下樓去咱、

麻郎兒**楊**酌量你九不如意、忍着性做矮裝低、看章

臺、柳、色、依、依、恨、少、個、人、兒、姓、許。

馮作醒介楊二娘可還飲麼馮宿酒未除焉能復

進小青與我送楊夫人大觥旦送介楊小青娘大

家同飲一杯者

絡絲娘 咱雖不是醉西施東窓嬌倚也要把酒帘兒

繡個春旗到不如斟下深杯吞了些悶麴落得箇除

憂慮

旦臨水影語介咳波鏡澄空照出一般瘦影眉山

鎖結難銷兩頰愁容煞可憐人也梅小青娘說甚

如烟入
抱似影
投胎

來旦低頭作悶態介

小挑紅 楊忽聽得臨波細語感雙眉。幾見你到處含
愁意。你付與東流流不去。空自將怨粉堆。俏風情混
着愁滋味。不見那挑含柳歌。又早是雪消梅廢悶慳
慳韶光捱盡只須臾。

馮二娘我們今日遊了湖。改日還同去天竺禿一
遭。馮楊夫人。我正要請教你。吾聞西方佛無量。而
世多專禮大士。却是爲何。旦低白以其慈悲耳。馮
笑云是了是了。吾當慈悲汝。楊二娘既有此心。你

家有孤山別業、何不送小青娘、在那里住住、馮且看且看、

天淨沙

楊背介猛提起慈悲一語中、藏着無限心機、

轉介二娘、你須洒却楊枝露水、向白毫光裏、大家合掌、阿彌。

張千到湧金門了、請夫人上訴、

綿搭絮

楊踏春的今朝歸晚、愛月的昨夜眠遲、四季

歌聲、兩山雲氣待收拾、滿面春風入絳幃、却愁那柳外樓高、夜色迷、唱道是雲淡星稀、有心情醉西湖、醉

西湖明後日。

內叫介那一隻是楊夫人的船，我們是來接馮二娘的。張千你們打轎在問水亭伺候。馮別介打攬夫人，實爲不當。楊說那裡話，小青娘，你好生伴二娘歸去者。馮小下揚咳，我看這小青在大娘子面前，好不如意，他有恁般才思，落在恁般窠中。

尾聲 禁不住妬花風雨，春顏氣冷，眼兒覷着個俏人風致，則看他今日價悶悶的歸，少不得明日價懶懶的起。

手筆在
元人之
上

春波影

十一

第三齣

淨扮陳姬上 少年不快樂、老大徒傷悲、老身姓陳、日逐在楊奶奶家走動、楊奶奶有個侄兒馮二官人、討着個揚州女子、沒包彈千伶百俐、吃盡了大娘子千磨百難、還虧得俺楊奶奶在他大娘子跟前、千方百計說合、放得他出來、冷落在孤山庄上、楊奶奶則是怕他使些計算、不時親去探望、又不時送茶送水、如今楊奶奶隨老翁赴了任、臨去時對老身說、你左右是空閑的身子、與我伴伴馮家

的小青娘、承他嚴命、只得搭個身子在此、我眼裡
見了多少人家七犬八、不似這個真是能詩能畫、
其實難捱過孤枕空床、馮二官人要來看他一次、
不是大娘命、門上人一個個不許放入、便是一絡
紙條兒、不去請問大娘、也不得擅自遊進、教他冷
清清、害出個病來、半個月水米不沾、倘若真真犯
着了蹺蹊的症候、怎麼好、怎麼好、望內介呀、又梳
洗出來也。

粉蝶兒

且上杏臉初勻、翠睂邊舊愁鎖定、
嫗青娘爲

何起得恁早。且怪曉鶯兒攪得酸心。百忙的卸寒衾。
粧寶髻。步來芳徑。爲何地下有些潤的。姬早間雨哩。
且報道風雨零星。則那樹頭紅。一年虛景。

姬青娘。你前日畫那把米家山扇頭。馮官人可曾
見麼。且與他看甚的。

醉春風單則是山水自多情。盼不上書生真薄倖。墨
花筆。蒞也痴心守着個影影。且索向細帙叢中。牙籤
軸內。別尋佳境。

且倚桌翻書介。這一卷是牡丹亭。咳。杜麗娘煞有

情人也。

脫布衫可意處。夢到闕亭。柳枝兒擎得青青。下場頭。

青眼易
逢青娘
難得
梅窟裡孤清。又有那湯若士妙人兒。百般點染費臨。
川眼梢覷定。

我道世間只有小青痴。得沒要緊。還有個杜麗娘。
早則恁般也。**嫗**不要說起牡丹亭。我老兒打從京

文章不
令人愁
不令人
恨不令
人死非
文也若
士之後
幸有野
中來聞得一件希罕的事。婁江有個女子喚名俞。
二娘也。像青娘終日看牡丹亭。細細批閱了三冊。
一病而死。如今還要看他怎的。**且**原來如此。這事

記得小六娘曾對我來。

小梁州情種婁江不忍聽。弄得個死死生生。斷腸人遇斷腸人。按不定泉路一同行。

我近日夢聽盲詞把俞二娘這件事譜在琵琶婦口中到也新耳。嫗大佛寺前王嫂嫂兩日不來了。可要喚他。旦且消停幾日。嫗青娘我正要問你。你昨夜三更多天氣忽聽得夢中呶呶的說。又帶些哭聲。却是怎的。旦我昨夜夢見小六娘說道。一別不能復見。對我哭起來。我也同他哭醒。嫗青娘不

上小樓這盤兒不是金莖。權當個瓊漿支應。呀。說了這半晌。身子好不耐煩也。可早懨懨弱息。冷冷空房。怯怯殘生。瘦丰標。緊着褪。誰解我膏肓深病。怕做夕陽西碧桃花影。

梅香上奉二娘之命。聞得小青姐有恙。着我送些藥餌與你。還請得太醫到來。當面看一看。二官人李家賞牡丹。臨晚或者來看一次也。且拜覆二娘。藥餌我自收服。脉却不消診了。梅應下。且擲藥。嘆介奴家。雖不願生。亦當以淨體皈依。作劉安鷄犬。

豈汝一盃鴆能斷送乎

么想來恨不禁。覷來魂不寧。不住愁腸。不耐閑行。不
遇知心有甚人。到廣陵。向俺慈親問訊。作暈倒。嫗扶
叫介青娘甦醒咱。且醒低唱。俺待做花殘玉碎。不圖
僥倖。

嫗青娘你恁般狼狽。何不卸去衣飾。待我扶你床
上安睡片時。何苦坐在這裡。且我性不喜蓬首偃
臥。雖然身子不耐煩。還待我在這裡擁襪危坐者。
嫗既恁般阿也隨你。只是自古道病無良藥。自解

自樂你詩又絕精、畫又絕妙、何不消遣些兒、且長

吁科

滿庭芳

你教咱驅煩送悶、花魂粉面、總愁人破工夫、

將甚的消春病、猛地裏想到丹青、老嫵嫵、煩你傳語、

冤業郎、覓一良畫師來、爲何不見咱、**姬**二官人託我、

對孫畫師說的了、他也忙得緊、早晚一定就來、不須

煩惱哩、且唱慢拈拈寫咱瘦形、香艷艷畫出風神、若

此時不畱個模樣兒、我越瘦得不堪也、今春更比前

春恨一分流水、二分塵、不認的舊時人、

李老扮畫師上漢家自恨毛延壽底事全憑顧虎頭自家杭城第一個傳真有名畫師孫老官更兼做人至誠因此內家們要寫行樂圖要子的都作承我後巷馮家有個小阿媽在孤山住也要傳個樣子早間有人催過了不免逕入見姬介姬青娘畫師來也旦喜介師父請少坐待我換幾件衣服兒出來者暫下李作咳嗽磨墨打稿子介旦上介老嫗嫗你看穿插得好也姬讚介李作低頭偷看

介

快活三

旦 咱這裡一件新。件新。件新。李作細看畫介。旦

您那裡一處真。處處真。李老 大娘坐正些。旦 伊家手
筆莫消停。漸露嫦娥影。

李 畫完了。旦 待我對鏡兒看一看。覽鏡熟視介。看
這丹青得吾形似矣。未盡吾神也。你且再畫一圖。
咱 李 這大娘好難理會。又畫介。

朝天子

旦 欠精。個中妙徑。寫不出些兒性。千般思省。

比擬他廝稱。要筆筆同明鏡。如見其人。如聞彼聲。兀
的不低。叫也低。低應。嫗 畫得好耍子哩。旦 雖然戲臨。

嫗將完了，**旦**雖然已成，再看個風態如何觀。

旦如前看介，神是矣，還欠些流動之致，我曉得了。他見我目端手莊，矜持太過，必須再畫一幅，不要拘束了眼睛。我自閒耍，你自臨摹字。這還使得。又畫介，**旦**作與嫗指顧語笑，或扇茶鐺，或檢書，或自整衣褶，或代調丹碧諸色介。

四邊靜

旦開顏微哂，茗火烟清，書史堪尋，整頓衫襟。

纖手調丹粉，這回教您畫出來，自然莫並。

字畫完，**旦**如前看了喜介，如今却好了也，娟娟楚

每一句
自爲一
轉如浪
生花

楚似秋海棠花，老嫵嫵我有金錢一枚，打發畫工去者。字謝了。下。且老嫵嫵煩你掛在榻前，待我奠他杯酒兒。姬作掛完。且奠酒。介云：小青、小青，此中豈有汝緣分乎。

耍孩兒 你那里秋波滴瀝，湘波冷，長守着孤幃隻影，盃中梨酒莫辭傾。小青兒是你前身博得個三更枝上畱，殘燬煞強似二月街頭賣。早春心如哽，卿須憐我，我也憐卿。

又暈倒介。姬作叫醒介。青娘爲何如此。索寬解咱。

拜月西廂化工也。琵琶盡工也。曲至此是化是。

四煞 且死生安足論。衷懷沒處陳。浙潮有信人無信。恨的是豪家公子心腸硬。恨的是閩內冤仇陷阱深。黃泉近辜負你陳家老嫗。單不見楊氏夫人。

待我修一緘書。煩你覓個便人。寄與楊奶奶。這春容他們決要取看。你只把第三圖藏得好者。作寫書介。

三煞 憑着你寄慇懃。說事因生前影子珍藏定。夫人呵。你朱門重到無人跡。只有那片影桃花倩女魂。情難盡。千愁萬怨。短簡長吟。

遞書姬介你且收了書。我有花鈿數事。贈你女孩兒。咱做桌上扯紙包介。姬看介。這是青娘的詩稿。可要的。且我身且不保。那管甚麼詩詞。姬收介。青娘。還有甚分付。

二煞 且枝頭風雨催。舌底言辭哽。你說與薄倖郎呵。好將白骨埋幽徑。姬十七八歲的人。正好快活。奈何

至此。且你道是紅顏二八同花俏。却不道黃葉三秋帶雨零。肝腸迸。那里討千年化鶴。只落得百歲爲燐。你快扶我床上去者。

尾聲相逢只此時。後會全無準。打疊起嶺上梅花血。
浸喜的是小六娘在泉下等。扶下

嫗急上

可憐可憐。小青娘進得房去。不及上床。撫

几泪潜潜如雨。一慟而絕。我連忙着人去報馮二

官人。爲何日已將暮。還不見來。馮子虛急上。適纔

正偷開去看小青。途間遇着侏兒。報道小青已死。

兀的不痛殺我也。見嫗介。老嫗嫗。我的小青在那

裡。嫗

二官人。怎把青娘撇在這裡。別也不及與他

一別。他如今睡在房中。你自去看者。馮我那小青

呵、吾負汝、吾負汝、急下馮二娘急上我說道昨夜

燈花爆、今朝喜鵲噪、報道我這件快事、那不成才

的畢竟在那里死聲活氣、待我趕去看者、嫗見介

呀、二娘二娘、你家遭這樣變事、馮咲介極平常極

爽、快有甚麼變、老嫗嫗、我且對你說、你如今像叫

化子逃、走了、糊、繇、沒得個弄了、請興請興、馮子虛

冲上呀、娘、你來了麼、二娘不識羞沒廉耻的眼睛

哭得核桃般腫、我如今來不爲別事、專要把這賤

人平日做的詩詞歌賦、怕有嘲訕我的、所在盡底

拿來與我看。馮他的詩本，俱在案頭。二娘這是詩稿，快燒快燒。燒介還，有畫的，甚麼真容，你到打點見了他，如在其上，如在其左右，也拿來我燒了。二娘云：不免權將第一圖哄他者。轉云：二娘圖在此。二娘快燒快燒。又燒介：如今是了，我先回去。指馮云：你若來遲，少不得一夜的膝磕兒疼哩。下馮老嫗。嫗有這樣事，他身子雖死，恰像生前無病的一般。越教人斷腸也。作嘔介。嫗呀，二官人怎麼嘔出血來，事到如今，苦他也濟不得甚事，且自保重，送

他殞殮者、扶馮同下

第四齣

點絳脣

卜兒道服幡幢隨上真假姻緣桃花人面登

時變鶴筆翩翩借得那秋雲剪

貧道慧眼看來、十年前說得那小青、畢竟不出吾料、拋却庸奴妬婦、真真的來、也待我指點他一番、收作弟子、令世上這一夥迷魂、方信有才有色的、到底生天、俗眼俗腸的、終須入地、呀、兀的不是小青來也、且扮魂上、別了人間、走將來、不知甚的所

有才如
鮮有情
共辭相
之不斷
情之不
竭

在見尼拜倒介是何神佛乞賜超昇尼小青起來
聽咱說者且侍立介

混江龍

尼情香色艷。悲悲喜喜總堪憐。也有那一生

迷錦綉。也有那半世菱花鈿。得意價桃李春風紅燭。
夜失意價梧桐秋雨碧雲天。抵多少新粧堪愛舊恨
難捐。金釵十二粉黛三千。傾城傾國爲雨爲烟。魂銷
蘭麝。腸斷詩篇。春遊夜夜衰草年年。消愁有句買賦。
無錢香分何處。夢到誰邊。最堪憐芙蓉帳底一宵眠。
也難禁牡丹亭畔三生怨。這的是傷心綠髮薄命紅

春波影

三二

顏。

我想起十年前對你家說你早慧福薄那時你還
少小不記得哩。

油葫蘆此話包含已十年。到如今天涯飄泊轉。只博
得個馮家舊事供人羨。冷孤山謝却梅花瓣。病春容
藏却桃花面。方纔想庸奴的恨不消。妬婦的仇非淺。
小青娘埋沒詩千卷。剛剩得幾點落花箋。

你如今隨子我呵吃的是桃冰藕雪。可勝却董酒
梨漿穿的是霧縠霞衣。可勝却裏朱外翠。這世上

人都道是小青娘九泉含痛那曉得在三島逍遙
哩。

天下樂你跨雀吹笙。一晌間神也波仙神仙般姓氏。
懸我恨不的把普天下薄命的佳人都收拾在玉樓
金鎖也倩娘行齊登離恨天俊才華閨苑花俏魂靈
弱水船恁時節方信道色中才應不賤。

旦請問大仙天上這等憐才何獨才子佳人不能
作配却是爲何。

那吒令尼你也思金堅石堅有幾個李家的易安你

也。思夫仙婦仙有幾個。吳家的綵鸞你也思。雙雙的美緣。只有個少游的宅眷。那里討個個價鳳鸞。儔世。價鴛鴦。伴不記得。駿馬痴鞭。

小六娘仙妝上聞得小青娘到此。與他相見者。見

介呀。小青娘你在此也。旦呀。小六娘你先在此也。

打悲介。別後音容不堪具述。冥途聚首。何異生前。

鵲踏枝

尼您兩個猛地哩話從前。乍相逢信有緣。可

記取。燈下屏前幾年兒。同付春烟。問前生歡娛價恁淺。剩香魂歸來似壁返。珠還。

何等曠
透

且吾輩幸逢收錄，只不知那庸奴妬婦到底怎生
結果。尼笑介：你還則恁般癡哩！你看當今世界盡
如此輩，縱有報應，焉能挽回汝輩？既列上清視，他
們當如螻蟻犬馬，曾無可恨，止可憐耳。二旦云：承
大仙指教，令我輩心地豁然。

寄生艸

尼撇却生前恨，全憑悟後言。十二樓早改作

宜春院，五城中已造下長生殿。萬年花也賽的河陽
縣，說甚麼夜臺滋味不殊斯。誰承望瓊樓風景真希
見。

侍女們、駕起幢幡寶蓋、大家歸去者、衆行介

么尼談笑皈依日、虛無縹緲間、棋中日月無人見、山中寒暑無人辨、情中炎冷無人戀、問人間盡作小青看、怎怕個回頭苦海茫無岸、做到介、內吹打介

煞尾、您看重重雲浪鋪、細細天音按、吹綻了小桃紅、艷春恨、秋悲都自遣、嘆婷婷的幾日子、蹣跚看嬾嬾的幾人兒、活現爭如你、把這仙府芙蓉都踏遍、恰桑田變遷、見滄波深淺、何必向邯鄲竊聽、呂公言

個個風流話小青

孤山亦有牡丹亭

可憐未識生前樣。

猶喜能傳歿後靈。

不是芳魂隨影散。

肯將艷曲帶愁聽。

春風吹出桃花水。

腸斷殷紅化作萍。